

4. *QUEKETTIA THERESIAE* COGN. pseudobulbis parvis, ovoideis, leviter compressis, basi bifoliatis, apice monophyllis; foliis parvis, carnosocoriaceis, complanatis, lanceolatis, apice acutis, basi satis attenuatis; pedunculo communi erecto, filiformi, simplici, foliis satis brevioribus, basi vagina unica membranacea longiuscula acutaque vestito, superne laxiuscule 3—4-floro; bracteis ovatis, acutis, basi vaginantibus, ovario paulo longioribus; floribus minutis, brevissime pedicellatis, segmentis membranaceis; sepalis usque ad basin liberis, subaequilongis, lanceolatis, acutissimis, dorso rotundatis, lateralibus vix angustioribus; petalis late lanceolatis, acutis, non carinatis, sepalo dorsali subaequilongis; labello erecto, sepalis lateralibus paulo brevioribus, carnosulo, ovato-lanceolato, ad medium non constricto, apice acuto, disco inferne usque ad medium latissime crasseque bicalloso, callis carnosis, convexis, laevibus, apice incrassatis late rotundatis; columna crassa, brevissima, auriculis longiusculis, linearibus, obtusiusculis, subincurvis, antice porrectis; anthera postice leviter sulcata, antice dilatata, apice subtruncata non incrassata.

*Tabula nostra XXXV. Fig. IV (habitus cum analysi).*

*Capanemia Therasiae* Barb. Rodr. *Gen. et Spec. Orch. Nov. II. 244 (1882).*

RADICES numerosas, dense fasciculatae, breves, filiformes, leviter flexuosae, simplices, albescentes. PSEUDOBUCCI erecti vel patuli, dense aggregati, laeves, nitiduli, intense virides, 7—10 mm. longi, 5—7 mm. lati. FOLIA crassa, rigida, plus minusve patula, superne leviter recurva, plus minusve concava, supra nitidula et intense viridia, subtus satis pallidiora, 2—3½ cm. longa, ½—1 cm. lata; nervo mediano supra profundiuscule canaliculato, subtus satis prominente; nervulis lateralibus indistinctis. PEDUNCULUS communis leviter geniculato-flexuosus, teretiusculus, viridis, 1½—2½ cm. longus. PEDICELLI erecto-patuli, capillares, cum ovario 1½—3 mm. longi. BRACTEAE patulae, membranaceae, valde concavae, dorso leviter carinatae, pallidae, 2—3½ mm. longae. FLORES erecti, albi. SEPALA erecta, apice leviter incurva, satis concava, uninervulosa, 3 ad 3½ mm. longa, dorsale 1 mm. latum, lateralia satis obliqua, basi extus valde constricta, ¾ mm. lata. PETALA erecta, satis concava, vix obliqua, inferne satis attenuata, uninervulosa, 3 mm. longa, 1¼ mm. lata. LABELLUM satis concavum, 2½ mm. longum, 1¼ mm. latum, callis flavescens. COLUMNA teretiuscula, basi valde constricta, ½ mm. longa.

Var. β. *ANGUSTIFOLIA* Cogn.

PLANTA paulo minor. FOLIA lineari-ligulata, 2—2½ cm. longa, 2—3 mm. lata.

*Habitat in sylvis supra arbores ad Petropolis prov. Rio de Janeiro: Barbosa Rodrigues. — Var. β. In prov. Minas Geraës loco accurato haud indicato: Schwacke n. 11615. — Floret Maio.*